

2) Կարմիր Պաշտի Ընկերութեան Նպատակն է՝ — ա) պատերազմի ժամանակ խնամել հայրենիքի հիւանդ ու վիրաւոր զինուորականներին, ինչպէս և դաշնակից ու թշնամի զօրքերի բոլոր հիւանդներին ու վիրաւորներին, որոնք կը գտնուեն ընկերութեան գործունէութեան շրջանում: Բ) Պաղաղ ժամանակ ընկերութիւնը իր հիմնարկութիւնների միջոցով ամէն տեսակ օգնութիւն է ցոյց տալիս հաշմանդամ զինուորականներին, օգնում է ընդհանուր աղէտներից վնասուածներին և օտար պետութիւնների իրար դէմ մղած պատերազմի ժամանակ օգնութեան է գալիս նրանց բանակներին:

3) Այդ նպատակներին հասնելու համար Ընկերութիւնը մշակում ու հաստատում է կանոններ ու հրահանգներ, բաց է անում հիւանդանոցներ, հանրակացարաններ գլխութեան քոյրերի համար, բժշկա-առողջապահական դասընթացներ, միերանոցներ և այլ հաստատութիւններ:

4) Ընկերութեան միջոցներն են կառավարութեան օժանդակութիւնը, տարեկան անդամավճարները, միանւագ նպաստները դրամով ու նիւթերով և ամէն տեսակ հանգանակութիւններ:

5) Ընկերութիւնը իրաւունք ունի ձեռք բերելու և վաճառելու ամէն կարգի շարժական ու անշարժ կայք:

Մանօք . Անշարժ կայք ձեռք բերելու և վաճառելու իրաւունք ունեն Ընկերութեան բոլոր ճիւղերի վարչութիւնները, միայն գլխաւոր վարչութեան համաձայնութեամբ և Հայաստանի Կարմիր Պաշտի Ընկերութեան անունով:

6) Ընկերութեան և նրա բոլոր հաստատութիւնները ազատ են ամէն տեսակի պետական, քաղաքային և տեղական մաքսերից, հարկերից, տուրքերից այլ և պոստային ու հեռագրական վճարումներից:

7) Ընկերութեան խորհրդանշանն է հաւասարածայր կարմիր խաչ՝ սպիտակի վրա, որը հաստատուած է Ժընևի կոնվենցիայում: Այդ խորհրդանշանը գործածելու իրաւունքը Հայաստանում պատկանում է միայն Կարմիր Պաշտի Ընկերութեան, որի գլխաւոր վարչութիւնը, սակայն, կարող է արտօնել կողմնակի անհատներին ու հիմնարկութիւններին օգտուելու նրանից Կարմիր Պաշտի նպատակներին ծառայող ձեռնարկութիւնների մէջ: Այդ խորհրդանշանն է կրում Ընկերութեան կնիքն ու դրոշմը, պահեստների, տրանսպորտների, հիւանդանոցների դրօշակները, ինչպէս և Ընկերութեան անդամների ու պաշտօնեաների ձախ թեւակապը:

8) Ընկերութեան գործերի ընդհանուր ղեկավարն է գլխաւոր վարչութիւնը, որ գտնուում է Հայաստանի մայրաքաղաքում:

Տեղական գործերը վարում են տեղական վարչութիւնները: Գլխաւոր և տեղական վարչութիւնների բոլոր անդամները իրենց պարտականութիւնները կատարում են ձրի:

9) Գլխաւոր վարչութիւնը բաղկացած է ոչ պակաս քան 11 անդամից և 5 փոխանդամից: Վարչութիւնը իր միջից ընտրում է նախագահ եւ երկու օգնական:

Գլխաւոր վարչութիւնն է, որ ա) կնքում է պայմանագրեր, Բ) պահանջատէր է հանդիսանում և պաշտպանում ընկերութեան շահերը, Գ) անում է անհրաժեշտ դիմումներ պետական, ինքնավարական և հասարակական հիմնարկութիւններին, Դ) հաստատում է գլխութեան քոյրերի, սանիտարները, ապաստարաններին, հիւանդանոցներին, որբանոցներին և այլ նման հաստատութիւնների կանոնադրութիւնը, Ե) հիմնում է ճիւղեր և հաստատում է վարչութիւններին և Զ) գործադրում է ընդհանուր ժողովների որոշումները: